

史記卷之九十六

張丞相列傳第三十六

張丞相蒼者陽武人也

索隱曰案縣名屬陳留正義曰鄭州陽武縣也好書

律曆秦時爲御史主柱下方書

如淳曰方版也謂書車在版上者也秦以

上置柱下史蒼爲御史主其事或曰四方文書○索

隱曰周秦皆有柱下史謂御史也所掌及侍立恒在

殿柱之下故老瞞爲周柱下史今蒼在秦代亦居斯

職方書者方板謂小事書於板也或曰主四方文書

也姚氏以爲下云明習天下圖書計籍有罪亡歸及

主郡上計則方爲明方文書者是也

沛公略地過陽武蒼以客從攻南陽蒼坐法當斬解

衣伏質

索隱曰小顏云質鉏也

身長大肥白如瓠時王陵見而

怪其美士乃言沛公赦勿斬遂從西入武關至咸陽

沛公立為漢王入漢中還定三秦陳餘擊走常山王
張耳耳歸漢漢乃以張蒼為常山守從淮陰侯擊趙
蒼得陳餘趙地已平漢王以蒼為代相備邊寇已而
徙為趙相相趙王耳耳卒相趙王敖復徙相代王燕
王臧荼反高祖往擊之蒼以代相從攻臧荼有功以
六年中封為北平侯食邑千二百戶遷為計相文穎曰計故號
曰計相一月更以列侯為主計四歲張晏曰以列侯典校郡國簿書
如淳曰以其所主因以為官號與計相同時所卒立
非久施也○索隱曰謂故計相之名更名主計也此
蓋權時是時蕭何為相國而張蒼乃自秦時為杜下
立號也史明習天下圖書計籍蒼又善用筭律曆故令蒼以

列侯居相府領主郡國上計者黥布及亡漢立皇子
長爲淮南王而張蒼相之十四年遷爲御史大夫

周昌者沛人也其從兄曰周苛秦時皆爲泗水卒史
及高祖起沛擊破泗水守監於是周昌周苛自卒史

從沛公沛公以周昌爲職志

徐廣曰主旗幟之屬○索隱曰官名也職主也

志旗幟也謂掌旗幟之官也音昌志反

周苛爲客

張晏曰爲帳下賓客不掌官

從入

關破秦沛公立爲漢王以周苛爲御史大夫周昌爲

中尉漢王四年楚圍漢王滎陽急漢王遁出去而使

苛守滎陽城楚破滎陽城欲令周苛將苛罵曰若趣

降漢王不然今爲虜矣項羽怒亨周苛

徐廣曰四於年三月也

是乃拜周昌爲御史大夫常從擊破項籍以六年中

與蕭曹等俱封封周昌爲汾陰侯周苛子周成以父

死事封爲高景侯

徐廣曰元年封封三十九年文帝後元四年謀反死國除

昌爲

人彊力敢直言自蕭曹等皆卑下之昌嘗燕時入奏

事高帝方擁戚姬昌還走高帝逐得騎周昌項問曰

我何如主也昌仰曰陛下卽桀紂之主也於是上笑

之然尤憚周昌及帝欲廢太子而立戚姬子如意爲

太子大臣固爭之莫能得上以留侯策卽止而周昌

廷爭之彊上問其說昌爲人吃又盛怒曰臣口不能

言然臣期期知其不可

正義曰期以口吃每語故重言期期也

陛下雖

欲廢太子臣期期不奉詔上欣然而笑既罷呂后側耳於東廂聽見周昌爲跪謝曰微君太子幾廢是後戚姬子如意爲趙王年十歲高祖憂卽萬歲之後不全也趙堯年少爲符璽御史趙人方與公

孟康曰方與縣名公

其號黃曰方與縣令也

謂御史大夫周昌曰君之史趙堯年雖

少然奇才也君必異之是且代君之位周昌笑曰堯年少刀筆吏耳

正義曰古用簡牘書有錯謬以刀削之故號曰刀筆吏

何能至

是乎居頃之趙堯侍高祖高祖獨心不樂悲歌群臣不知上之所以然趙堯進請問曰陛下所爲不樂非爲趙王年少而戚夫人與呂后有卻邪備萬歲之後

而趙王不能自全乎高祖曰然吾私憂之不知所出

索隱曰謂不知其計所出也

堯曰陛下獨宜爲趙王置貴彊相及

呂后太子群臣素所敬憚乃可高祖曰然吾念之欲

如是而群臣誰可者堯曰御史大夫周昌其人有堅

忍質直且自呂后太子及大臣皆素敬憚之獨昌可

高祖曰善於是乃召周昌謂曰吾欲固煩公公彊爲

我相趙王

正義曰桓譚世論云使周相趙不如使取呂后家女爲妃令戚夫人善事呂后則如意無

意無

周昌泣曰臣初起從陛下陛下獨奈何中道而

棄之於諸侯乎高祖曰吾極知其左遷

索隱曰諸侯王表有左

之律韋昭以爲左猶下也禁不得下仕於諸王也然地道尊右右貴左賤故謂貶秩爲左遷他皆此

然吾私憂趙王念非公無可者公不得已彊行於是徙御史大夫周昌爲趙相旣行久之高祖持御史大夫印弄之曰誰可以爲御史大夫者孰視趙堯曰無以易堯遂拜趙堯爲御史大夫

徐廣曰十年間

堯亦前有軍

功食邑及以御史大夫從擊陳豨有功封爲江邑侯

徐廣曰十一年封

高祖崩呂太后使使召趙王其相周昌令

王稱疾不行使者三反周昌固爲不遣趙王於是高后患之乃使使召周昌周昌至謁高后高后怒而罵周昌曰爾不知我之怨戚氏乎而不遣趙王何昌旣徵高后使使召趙王趙王果來至長安月餘飲藥而

死周昌因謝病不朝見三歲而死

索隱曰漢書列傳及表咸言周昌謚

悼韋昭云或謚惠非也漢書又曰傳子至孫意有罪國除景帝復封昌孫左車為文陽侯有罪國除也

後五歲

正義曰高后之年

高后聞御史大夫江邑侯趙堯高

祖時定趙王如意之畫乃抵堯罪

徐廣曰呂后元年國除

以廣

阿侯任敖為御史大夫

任敖者故沛獄吏高祖嘗辟吏

正義曰薛音避

吏繫呂后遇

之不謹任敖素善高祖怒擊傷主呂后吏及高祖初

起敖以客從為御史守豐二歲高祖立為漢王東鑿

項籍敖遷為上黨守陳豨反時敖堅守封為廣阿侯

食千八百戶高后時為御史大夫三歲免

徐廣曰文帝二年

敖卒謚懿侯曾孫越人元鼎二年爲大常坐西酸國除駟案漢書任敖孝文元年薨徐誤也。正義曰按史記書表云孝文二年卒漢表又云封十九年卒計高祖十一年封到文帝二年則十九年矣而漢書誤裴氏不考乃云徐誤何其貳過也。以平陽侯曹窋爲御史大夫高后

崩不與大臣共誅呂祿等免以淮南相張蒼爲御史

大夫蒼與絳侯等尊立代王爲孝文皇帝四年丞相

濯嬰卒張蒼爲丞相自漢興至孝文二十餘年會天

下初定將相公卿皆軍吏張蒼爲計相時緒正律曆

文穎曰緒尋也或曰緒業也以高祖十月始至霸上因故秦時本

以十月爲歲首弗革推五德之運以爲漢當水德之

時尚黑如故正義曰姚察云蒼是秦人猶用推五勝之法以周赤烏爲火漢勝火以水也

吹律調樂入之音聲及以比定律令

如淳曰比謂五音清濁各有所

比也以定十二月律之法令於樂官使長行贊曰謂以此故取類以定法律與條令也○正義曰此音鼻

或音必履反謂北方也

若百工天下作程品

如淳曰若順也百工為器物皆有尺

寸斤兩皆使得宜此之謂順音灼曰若預及之辭○索隱曰音灼說為得

至於為丞相卒

就之故漢家言律曆者本之張蒼蒼本好書無所不

觀無所不通而尤善律曆

漢書曰著書十八篇言陰陽律曆事

張蒼德

王陵王陵者安國侯也及蒼貴常父事王陵陵死後

蒼為丞相洗沐常先朝陵夫人上食然後敢歸家蒼

為丞相十餘年魯人公孫臣上書言漢土德時其符

有黃龍當見詔下其議張蒼張蒼以為非是罷之其

後黃龍見成紀於是文帝召公孫臣以為博士草土

德之曆制度更元年張丞相由此自絀謝病稱老蒼

任人為中候

張晏曰所選錄任者也贊曰中候官名

大為姦利上以讓

蒼蒼遂病免蒼為丞相十五歲而免孝景前五年蒼

卒謚為文侯子康代侯八年卒子類

徐廣曰一作類音噴

代為

侯八年坐臨諸侯喪後就位不敬國除

索隱曰案漢書云傳子至

孫類有罪國除今此文康代八年卒子類代侯則類即類與漢書略同者也

初張蒼父長

不滿五尺及生蒼蒼長八尺餘為侯丞相蒼子復長

漢書云長八尺

及孫類長六尺餘坐法失侯蒼之免相後老

口中無齒食乳女子為乳母妻妾以百數嘗孕者不

復幸蒼年百有餘歲而卒

申屠丞相嘉者梁人以材官蹶張

徐廣曰勇健有材力開張駟案如淳

曰材官之多力能脚踏強弩張之故曰蹶張律有蹶張士

從高帝擊項籍遷為隊

率

索隱曰所類反

從擊黥布軍為都尉孝惠時為淮陽守孝

文帝元年舉故吏士二千石從高皇帝者悉以為關

內侯食邑二十四人而申屠嘉食邑五百戶張蒼已

為丞相嘉遷為御史大夫張蒼免相

徐廣曰後孝文二年八月

帝欲用皇后弟竇廣國為丞相曰恐天下以吾私廣

國廣國賢有行故欲相之念久之不可而高帝時大

臣又皆多死餘見無可者乃以御史大夫嘉為丞相

因故邑封爲故安侯

正義曰今易州界武陽城中東南隅故城是也

嘉爲人

廉直門不受私謁是時太中大夫鄧通方隆愛幸嘗
賜累巨萬文帝嘗燕飲通家其寵如是是時丞相入
朝而通居上傍有怠慢之禮丞相奏事畢因言曰陛
下愛幸臣則富貴之至於朝廷之禮不可以不肅上
曰君勿言吾私之罷朝坐府中嘉爲檄召鄧通詣丞
相府不來且斬通通恐入言文帝文帝曰汝第往吾
今使人召若通至丞相府免冠徒跣頓首謝嘉坐自
如故不爲禮責曰夫朝廷者高皇帝之朝廷也通小
臣戲殿上大不敬當斬吏今行斬之

如淳曰嘉謂其吏曰今便行斬

之通頓首首盡出血不解文帝度丞相已困通使使者持節召通而謝丞相曰此吾弄臣君釋之鄧通既至爲文帝泣曰丞相幾殺臣嘉爲丞相五歲孝文帝崩孝景帝卽位二年鼂錯爲內史貴幸用事諸法令多所請變更議以謫罰侵削諸侯而丞相嘉自絀所言不用疾錯錯爲內史門東出不便更穿一門南出南出者太上皇廟堧垣服虔曰宮外垣也如淳曰堧音畏懷之悞嘉聞之欲因此以法錯擅穿宗廟垣爲門奏請誅錯錯客有語錯錯恐夜入宮上謁自歸景帝正義曰自歸帝首露至朝丞

相奏請誅內史錯景帝曰錯所穿非眞廟垣乃外垣

道故他官居其中

索隱曰漢書作冗官詔散官

且又我使爲之錯

無罪罷朝嘉謂長史曰吾悔不先斬錯乃先請之爲

錯所賣至舍因歐血而死謚爲節侯子共侯茂代三

年卒子侯去病代三十一年卒

徐廣曰一本無此去病而云共侯茂三十

三年子更改封靖安侯

子侯更代六歲坐爲九江太守受故官

送有罪國除自申屠嘉死之後景帝時開封侯陶青

桃侯劉舍爲丞相

徐廣曰陶青高祖功臣陶舍之子也謚夷劉舍本項氏親也賜姓劉

氏父襄佐高祖有功合謚哀侯

及今上時柏玉侯許昌

徐廣曰高祖功臣許溫之

孫謚哀侯

平棘侯薛澤

徐廣曰高祖功臣薛歐之孫平棘節侯薛澤

武彊侯

莊青翟

徐廣曰高祖功臣莊不識之孫

高陵侯趙周

徐廣曰周父夷吾爲楚王戊大

傳諫爭而死

等為丞相皆以列侯繼嗣娵娵

索隱曰娵音側角反小顏

云持整之貌漢書作躡躡音初角反一作斷音都亂反義如尚書斷斷倚無他枝

廉謹為丞

相備員而已無所能發明功名有著於當世者

太史公曰張蒼文學律曆為漢名相而絀賈生公孫

臣等言正朔服色事而不遵明用秦之顓頊曆何哉

張晏曰不考經典專用顓頊曆何哉

周昌木彊人也任敖以舊德用

張晏

呂后吏

申屠嘉可謂剛毅守節矣然無術學殆與

蕭曹陳平異矣

孝武時丞相多甚不記莫錄其行起居狀略且紀征

和以來有車丞相長陵人也

名千

卒而有韋丞相代